



كوفراسي كساتوان كوروملا اجوملايسيا بارا برهد

KOPERASI KESATUAN GURU-GURU MELAYU MALAYSIA BARAT BERHAD

Bangunan KGMMB, No. 720 Jalan Sentul, 51000 Kuala Lumpur.

Tel: 03-40411723/25, 03-40453743/75 Fax: 03-40411730

**MINIT MESYUARAT AGUNG KOPERASI KGMMB BERHAD
KAWASAN KEDAH KALI KE-15: 2025**

TARIKH : 25 APRIL 2025
MASA : 9.00 pagi
TEMPAT : SMK Sultanah Asma, 05300 Alor Setar, Kedah
KEHADIRAN: 365 orang anggota

TURUT HADIR:

- | | | |
|----|--|------------------------------|
| 1. | Cikgu Hj. Abdullah bin Mamat | Timbalan Pengerusi Koperasi |
| 2. | Cikgu Hj. Mohd Said bin Hussin | Bendahari koperasi KGMMB Bhd |
| 3. | Cikgu Hj. Juhari bin Mohamad Nor | ALK |
| 3. | Cikgu Noor Hayazi bin Abd Mutholib | ALK |
| 4. | Cikgu Dato' Hj. Jamaludin bin Hj. Jali | ALK |
| 5. | Cikgu Jasni bin Md Kechik | Pengerusi Kawasan |

PENGACARA MAJLIS : Cikgu Zulkifli bin Ahmad (15357)

Mesyuarat dimulakan dengan nyanyian lagu Negaraku dan diikuti dengan lagu Negeri Kedah dan disertai dengan lagu rasmi Suruhanjaya Koperasi Malaysia.

AGENDA 1: DOA;

- 1.1 Mesyuarat dimulakan dengan bacaan doa oleh Cikgu Zulkifli bin Ahmad (15357) agar mesyuarat ini diberkati Allah SWT.

AGENDA 2: UCAPAN PENERUSI KAWASAN;

- 2.1 Mesyuarat dimulai dengan ucapan Pengerusi Kawasan, Yg Bhg. Cikgu Jasni bin Md Kechik (30785) melahirkan rasa syukur kehadiran Allah SWT kerana dapat mengadakan mesyuarat agung kawasan (MAK) kali ke-15 tahun 2025.

- 2.2 Pengerusi mengucapkan terima kasih atas kehadiran Timbalan Pengerusi Cikgu Hj. Abdullah bin Mamat, Bendahari koperasi, Cikgu Hj. Mohd Said bin Hussin dan semua anggota serta staf koperasi yang dapat meluangkan masa untuk hadir dalam MAK negeri Kedah yang diadakan secara maya. Walaupun ada pro dan kontra apabila mengadakan mesyuarat secara dalam talian tapi bersesuaian pada zaman digital ini kerana ramai yang tidak dapat masuk sekiranya tiada capaian talian internet tetapi ramai juga yang dapat turut serta berbanding kalau mesyuarat secara bersemuka ianya dihadiri oleh anggota di daerah berkenaan sahaja. Mesyuarat secara maya juga dapat menjimat kos operasi yang perlu ditanggung oleh koperasi tambahan MAK kini perlu diadakan pada setiap tahun.
- 2.3 Pengerusi memaklumkan Kedah berada ditangga ke-2 dalam koperasi mengikut jumlah keanggotaan iaitu seramai 2,665 orang daripada 19,036 orang jumlah keseluruhan anggota koperasi pada tahun 2023. Beliau menyeru anggota negeri Kedah untuk sama-sama berkempen menambah anggota koperasi disamping mengekalkan keanggotaan bagi yang telah bersara. Anggota diseru untuk sama-sama membantu perniagaan koperasi dengan membuat pembiayaan daripada koperasi untuk pinjaman peribadi atau pinjaman barangan pengguna.
- 2.4 Akhir kata Pengerusi berharap anggota koperasi dan KGMMB negeri Kedah saling bekerjasama. Beliau seterusnya mengumumkan elaun kehadiran pada mesyuarat ini sebanyak RM50.00 dan anggota disarankan memasukkan nombor akaun bank semasa pendaftaran masuk bagi memudahkan bayaran elaun kehadiran. Disudahi dengan ucapan terima kasih kepada semua yang hadir serta maaf jika ada sebarang kesilapan.

AGENDA 3: UCAPAN WAKIL KOPERASI KGMMB BERHAD;

- 3.1 Timbalan Pengerusi Koperasi KGMMB Berhad Cikgu Hj. Abdullah bin Mamat mengalu-alukan kehadiran anggota Koperasi serta mengucapkan Selamat Hari Raya kepada semua yang hadir pada hari ini.
- 3.2 Timbalan Pengerusi memaklumkan bahawa keuntungan koperasi pada tahun berakhir 31 Disember 2024 menunjukkan peningkatan berbanding tahun sebelumnya iaitu RM5,166,554,00 berbanding RM4,194,521.00 pada tahun 2023 iaitu meningkat sebanyak RM972,033.00 (23.17%). Pendapatan koperasi tahun ini ialah RM6,921,014.00 dan perbelanjaan sebanyak RM1,754,461.00. Koperasi dapat mengurangkan perbelanjaan sebanyak 33% daripada tahun sebelumnya.

- 3.3 Timbalan Pengerusi memaklumkan sumber pendapatan lain koperasi ialah daripada Unit Pengguna RM251,993.00, Unit Pembangunan rugi RM86,802.00 dan Unit Hotel juga menunjukkan kerugian RM83,093.00 pada tahun 2024.
- 3.4 Timbalan Pengerusi menyarankan bagi memastikan koperasi terus mencapai keuntungan, koperasi perlu mengukuhkan strategi perniagaan selain pembiayaan kepada anggota dalam pembiayaan peribadi, pembiayaan khas dan pembiayaan pengguna serta sewaan bangunan. Aktiviti perniagaan lain seperti;
- 3.4.1 Merangka pembangunan hartanah di Lanchang, Pahang yang berkeluasan 6 ekar dalam dalam proses mendapatkan Kelulusan Merancang dan di Kampung Gemuruh, Terengganu berkeluasan 4 ekar dipecahkan kepada 18 lot dan untuk dijual kepada anggota.
 - 3.4.2 Pusat dialisis usahasama dengan MyAngkasa Dialisis Sdn. Bhd. yang mana koperasi memegang pelaburan 40% di Sg. Tong, Terengganu. Insyaallah dengan izin Allah pusat ini akan dapat dijalankan dalam tahun ini.
 - 3.4.3 Unit Hotel koperasi kita telah diserahkan pengurusannya kepada Syarikat DRH Group Sdn Bhd yang mempunyai kemahiran dalam bidang perhotelan.
- 3.5 Timbalan Pengerusi memaklumkan rasa syukur kerana koperasi telah 5 kali tersenarai dalam 100 koperasi terbaik Malaysia. Bagi tahun 2024 koperasi berada dikedudukan ke-40 antara 100 koperasi terbaik di seluruh Malaysia.
- 3.6 Timbalan Pengerusi seterusnya memaklumkan keanggotaan koperasi pada tahun berakhir 31 Disember 2024 adalah seramai 19,190 orang meningkat seramai 154 orang berbanding tahun sebelumnya iaitu 19,036 orang. Bagi memastikan Koperasi KGMMB Berhad ini kekal relevan usaha-usaha menambah keanggotaan giat dijalankan, salah satu cara ialah dimana koperasi bekerjasama dengan agen-agen insurans dan juga wakil-wakil yang dilantik dikalangan guru-guru atau orang perseorangan bagi mencapai sasaran 30,000 anggota pada tahun 2025. Koperasi menawarkan imbuhan RM30.00 dan KGMMB RM20.00 berjumlah RM50 bagi sesiapa yang berjaya membawa masuk anggota baru.

- 3.7 Timbalan Pengerusi memaklumkan aktiviti utama koperasi iaitu pembiayaan sebanyak RM16,520,554.35 juta kepada anggota bagi tahun 2024 pengurangan sebanyak RM416,584.54 berbanding tahun 2023 dengan pecahan RM7,030,348.45 pembiayaan pengguna, RM4,318,750.00 pembiayaan peribadi dan pembiayaan khas sebanyak RM5,161,000.00 dan insurans kenderaan sebanyak RM10,455.90.
- 3.8 Timbalan Pengerusi juga memaklumkan dalam koperasi giat menjalankan perniagaan koperasi juga tidak lupa untuk menjaga kebajikan anggota di bawah TPKA sebanyak RM1,718,840.00 telah diberikan kepada anggota bagi tahun 2024. Pecahan perbelanjaan ini ialah melanjutkan pelajaran RM460,300.00, kecemerlangan RM226,500.00, bencana alam RM9,900.00, kematian RM171,000.00, faedah hospital RM55,340.00, faedah bersara RM709,600.00 dan Haji/Umrah RM86,200.00. Mulai tahun 2019 yuran DK dinaikkan daripada RM3.00 sebulan kepada RM6.00 dan sumbangan kematian juga ditingkatkan daripada RM10,000 kepada RM20,000 untuk kematian biasa dan RM30,000 kematian akibat kemalangan.

Dengan sokongan daripada anggota dan staf diharapkan perniagaan koperasi akan terus bertambah maju dan memohon maaf jika ada salah dan silap. Akhir kata dengan lafaz Bismillah, Pengerusi merasmikan mesyuarat Agung Kawasan kali ke-15 dengan harapan mesyuarat berjalan lancar dan dipermudahkan oleh Allah SWT.

AGENDA 4: MELANTIK SEORANG PENERUSI MESYUARAT;

- 4.1 Mesyuarat bersetuju melantik Pengerusi Kawasan Cikgu Jasni bin Md Kechik (30785) sebagai Pengerusi Mesyuarat yang disokong sebulat suara oleh ahli mesyuarat.

Cadangan: Cikgu Syed Ahmad Zawawi bin Syed Akil (34853)

Sokongan: Cikgu Ghazali bin Omar (31630)

AGENDA 5: MELANTIK SEORANG PENCATAT MINIT;

- 5.1 Mesyuarat bersetuju melantik Pn. Izzah Izyan binti Jaafarudin staf dari ibu pejabat koperasi sebagai pencatat minit mesyuarat.

AGENDA 6: MENGESAHKAN MINIT MESYUARAT KAWASAN KALI KE-14 (2024);

- 6.1 Pengerusi Majlis membentangkan minit mesyuarat agung kawasan Kelantan kali ke-14 (2024) yang diadakan pada 26 April 2024 yang diadakan secara Teams Webinar. .

Cadangan: Cikgu Zainul' Abidin bin Ismail (34380)

Sokongan: Cikgu Zulkifli bin Ahmad (15357)

AGENDA 7: MEMBENTANGKAN LAPORAN TAHUNAN DAN DERAF AKAUN BERAKHIR 31 DISEMBER 2024;

- 7.1 Bendahari koperasi membentangkan deraf akaun berakhir 31/12/2024 dari muka surat 34 hingga muka surat 41 dengan merujuk perkara berikut;
- Muka surat 34, jumlah pelaburan lain tidak dimasukkan kerana jumlah tersebut dinyatakan pada muka surat 39.
 - Ralat pada muka surat 20, jumlah peningkatan yuran anggota sebanyak RM1,504,110.00 bukan RM1,503,110.00 seperti yang tercatat peningkatan sebanyak 0.02%.

Laporan akaun ini hanya deraf untuk pembentangan sahaja yang akan dibincangkan oleh perwakilan pada MAPT Julai 2025.

Mesyuarat bersetuju menerima laporan tahunan dan deraf akaun koperasi dari muka surat 1 hingga muka surat 41.

AGENDA 8: MEMBENTANGKAN BAJET TAHUN 2026 UNTUK DIBENTANGKAN DI DALAM MESYUARAT AGUNG PERWAKILAN TAHUNAN;

- 8.1 Bendahari membentangkan bajet tahun 2026 dari muka surat 29 hingga muka surat 33.

Bajet 2026 menyasarkan keuntungan sebanyak RM4,249,929.00 daripada pendapatan RM6,955,753.00 dan perbelanjaan sebanyak RM2,705,824.00.

Mesyuarat menerima bajet tahun 2026 dari muka surat 29 hingga muka surat 33.

AGENDA 9: CADANGAN PINDAAN KEPADA UUK;

9.1 – tiada –

AGENDA 10: MELANTIK ANGGOTA PERWAKILAN;

10.1 Pengerusi memaklumkan 18 orang perwakilan Kedah kekal sebagai perwakilan untuk tahun 2025 supaya dapat menjalankan tanggungjawab dalam mesyuarat Agung Perwakilan Tahunan yang dijangka diadakan pada Julai 2025 di Wilayah Persekutuan Kuala Lumpur. Senarai perwakilan adalah seperti berikut :-

- 10.1.1 Cikgu Jasni bin Md Kechik (30785)
- 10.1.2 Cikgu Hj Ghazali bin Omar (31630)
- 10.1.3 Cikgu Syed Ahmad Zawawi bin Syed Akil (34853)
- 10.1.4 Cikgu Zulkifli bin Ahmad (15357)
- 10.1.5 Cikgu Azmi bin Hj Abdul Azid (19646)
- 10.1.6 Cikgu Shairul Bazri bin Abu Bakar (13830)
- 10.1.7 Cikgu Omar Bakri bin Saad (21725)
- 10.1.8 Cikgu Mohd Nazir bin A Kechik (31745)
- 10.1.9 Cikgu Roslan bin Saad (37815)
- 10.1.10 Cikgu Hj Zakaria bin Hussin (04627)
- 10.1.11 Cikgu Abd Manaf bin Bakar (36385)
- 10.1.12 Cikgu Zainul' Abidin bin Ismail (34380)
- 10.1.13 Cikgu Wan Norsharmilawati bt Wan Osman (37904)
- 10.1.14 Cikgu Muhamad Hanif bin Amran (35292)
- 10.1.15 Cikgu Azra Hiryani binti Abdul Salam (37610)
- 10.1.16 Cikgu Baharuddin bin Mohamed Ibrahim (13635)
- 10.1.17 Cikgu Sharifah Ridzoh binti Syed Ali (28155)
- 10.1.18 Cikgu Mokhtar bin Khamis (35288)

AGENDA 11: MENIMBANG USUL-USUL DARI LEMBAGA DAN ANGGOTA;

11.1 USUL ALK 2025 – CADANGAN PINDAAN KEPADA UNDANG-UNDANG KECIL KOPERASI

Anggota Lembaga Koperasi membuat usul supaya perkara 60 (1), modal syer dipinda kepada berikut;

UUK yang asal;

60. (1) Menurut perenggan 50(b) Akta, setiap anggota hendaklah melanggan RM100.00 (Ringgit: Satu Ratus Sahaja) syer sebagai sumbangan minimum yang hendaklah dijelaskan dalam tempoh yang dinyatakan menurut 34 fasal
- (2). Syer minimum ini tidak boleh dikeluarkan kecuali selepas keanggotaan anggota itu tamat. (2) Tempoh menjelaskan syer minimum menurut fasal (1) adalah sebagaimana berikut: (a) (b) Yuran 61. seseorang yang turut sama di dalam permohonan pendaftaran Koperasi ini atau yang telah menandatangani minit mesyuarat agung permulaan Koperasi hendaklah menjelaskan syernya dalam tempoh tiga bulan dari tarikh perakuan pendaftaran diterima oleh Koperasi; dan seseorang yang diterima menjadi anggota menurut Undang undang Kecil 15 hendaklah menjelaskan syernya dalam tempoh tiga bulan dari tarikh penerimaannya sebagai anggota.

Cadangan pindaan; Modal Syer ditingkat kepada RM1,000.00

Rasional Meningkatkan Modal Syer Koperasi - Modal syer merupakan antara sumber kewangan utama bagi sesebuah koperasi. Peningkatan modal syer memainkan peranan yang amat penting dalam memperkukuh kedudukan kewangan koperasi serta menjamin kelangsungan operasinya dalam jangka masa panjang. Rasional utama mengapa langkah ini wajar dilaksanakan;

Pertama, peningkatan modal syer dapat meningkatkan keupayaan kewangan koperasi. Modal yang mencukupi membolehkan koperasi menjalankan operasi harian dengan lebih lancar dan melaksanakan pelbagai aktiviti perniagaan serta pelaburan yang berpotensi menjana keuntungan. Ini secara langsung menyumbang kepada pertumbuhan koperasi dari segi pendapatan dan aset.

Kedua, modal syer yang kukuh dapat mempertingkatkan daya saing koperasi di pasaran. Dengan kewangan yang lebih stabil, koperasi berupaya untuk memperluas perkhidmatan, menambah baik produk, serta meneroka peluang-peluang perniagaan baru. Contoh pertanian, perladangan (kelapa sawit). Ini penting agar koperasi dapat kekal relevan dan berdaya saing dalam persekitaran ekonomi yang semakin mencabar.

Selain itu, modal yang tinggi juga membolehkan koperasi melabur dalam projek-projek pembangunan yang berskala besar serta berimpak tinggi. Ini termasuk pembelian aset tetap, pembangunan hartanah, atau usaha sama dengan entiti lain yang dapat memberi pulangan lumayan dalam jangka panjang. Pembinaan stesen minyak juga akan meningkatkan keuntungan kepada koperasi. Tambahan pula, peningkatan modal syer boleh memberi manfaat secara langsung kepada anggota koperasi. Keuntungan yang diperoleh hasil daripada pelaburan dan operasi koperasi berpotensi untuk dikembalikan kepada anggota dalam bentuk dividen yang lebih tinggi. Ini sekali gus menggalakkan penglibatan aktif anggota dalam koperasi.

Akhir sekali, modal syer yang kukuh mengurangkan kebergantungan koperasi kepada pembiayaan luar, terutamanya pinjaman yang mungkin mengenakan kadar faedah tinggi. Ini membantu koperasi mengurus risiko kewangan dengan lebih berkesan dan mengekalkan kestabilan kewangan jangka panjang.

AGENDA 12: MELANTIK AHLI JAWATANKUASA KAWASAN;

12.1 Pengerusi memaklumkan AJK Kawasan Kedah terdiri daripada 18 orang perwakilan yang telah dilantik.

AGENDA 13 : HAL-HAL LAIN;

13.1 Cikgu Zainul' Abidin bin Ismail (34380) menyatakan berkenaan
13.1.1 Stesen minyak pada muka surat 7, nombor 13.1 beliau menyatakan perkara ini buat kali keempat. Beliau menyarankan untuk membeli tanah dan membuka stesen minyak di Kedah pula. Pada masa yang sama koperasi tidak hanya tertumpu di kawasan Pahang, Perak dan Terengganu Sahaja. Dengan mengambil contoh Melayu Kedah yang berada di tempat ke-23. Mereka telah pun mengusahakan stesen minyak dan mempunyai bangunan 7 tingkat.

13.1.2 Setiap kawasan mempunyai ALK. Di mana laporan dan perkembangan koperasi yang adil.

Maklum balas: Timbalan pengerusi memaklumkan Cadangan boleh dikemukakan di MAPT. Dengan menyerahkan kertrtas kerja hartanah yang lengkap kepada ALK. ALK akan membentangkan kertas kerja tersebut dan mewar-warkan kepada semua perwakilan ALK. Tanah di Marang pula, boleh membawa impak yang baik kepada koperasi. Dengan ini koperasi mengalu-alukan anggota untuk datang sendiri. Projek hartanah yang sedang berlangsung pada masa kini di Terengganu dibawa sendiri oleh timbalan pengerusi dan diluluskan dalam Mesyuarat ALK.

13.1.3 Beliau mencadangkan kepada koperasi untuk mencari tanah di Kedah, di mana baru-baru ini terdapat 2 stesen minyak baru di buka. Jika dibandingkan dengan pembinaan stesen minyak di Putrajaya yang melibatkan modal dan kos yang tinggi.

13.1.4 Manakala, bagi pembinaan hotel pula perlu dilaksanakan di kawasan negeri perlancongan seperti di Langkawi dan Pulau Pinang.

13.1.5 Merujuk muka surat 29, bajet pada tahun 2026 beliau menyarankan perbelanjaan untuk setem dan pos boleh digunakan untuk perbelanjaan lain. Begitu juga dengan penyata tahunan anggota yang tidak diterima, koperasi boleh menggunakan email untuk menghantar penyata.

Maklum balas: Bendahari menyatakan perbelanjaan untuk setem dan pos adalah untuk penghantaran majalah.

13.1.6 Beliau turut menyatakan bajet koperasi perlu di nilai semula, bagi perbelanjaan seminar, kursus dan lawatan daripada RM4,000.00 kepada RM30,000.00 menunjukkan peningkatan yang banyak.

Maklum balas: Bendahari memaklumkan seminar dan kursus belum lagi dilaksanakan dan kursus akan lebih diutamakan kepada staf.

13.2 Cikgu Baharuddin bin Mohamed Ibrahim (13635) ingin mengetahui perkembangan Hotel Mutiara dan Hotel di Pudu.

Maklum balas: Bendahari memaklumkan Hotel Mutiara telah disewakan kepada pihak DRH.

- 13.3 Cikgu Syed Ahmad Zawawi bin Syed Akil (34853)
- 13.3.1 Merujuk kepada 13.1 Stesen minyak 5.7 juta telah siap di Kedah. Di mana, koperasi boleh mengambil Langkah dengan membeli stesen minyak yang sedia ada. Harga jualan boleh dirunding di bawah RM5juta. Dalam masa yang sama, pemilik stesen minyak boleh memberi khidmat Latihan kepada pekerja dan pengurusan.
- 13.3.2 Merujuk kepada 13.6 my angkasa dialisis, beliau mencadangkan agar syer sebanyak 40% dinaikkan kepada 49% untuk koperasi. Melalui my angkasa juga, koperasi boleh memperoleh dividen melalui kemahiran menguruskan dialisis.

- 13.4 Cikgu Mohd Nazir bin A Kechik (31745)
- 13.4.1 Merujuk kepada 13.7 bagi kebajikan anggota yang mengerjakan umrah mahupun haji pada tahun 2022 sehingga 2024, beliau memohon diberikan kelonggaran kepada anggota yang belum membuat tuntutan.

Keputusan: Mesyuarat memutuskan untuk memberi kelonggaran bagi anggota yang terlepas membuat tuntutan kerana ianya merupakan hak setiap anggota.

- 13.5 Cikgu Hj. Ghazali bin Omar (31630)
- 13.5.1 Merujuk muka surat 14, statistik bagi negeri Kedah mempunyai keanggotaan kedua tertinggi namun tidak mempunyai seorang pun wakil ALK. Beliau memohon untuk ALK sedia ada mencari kaedah supaya negeri Kedah mempunyai sekurang-kurangnya seorang ALK.
- 13.5.2 Merujuk muka surat 15, beliau menyarankan agar koperasi memberi perhatian terhadap jumlah anggota yang baru mendaftar dan berhenti. Contohnya negeri Selangor, anggota yang baru mendaftar cuma sedikit jika dibandingkan dengan anggota yang berhenti.
- 13.5.3 Merujuk muka surat 29, perbelanjaan untuk gaji, elaun dan bonus menunjukkan penurunan dari tahun 2025. Selain itu, beliau juga bertanya mengenai rasional 360 orang setahun bagi pengiraan yuran masuk.


Maklum balas: Bendahari memaklumkan perbelanjaan untuk gaji, elaun dan bonus menurun disebabkan Hotel Mutiara di Melaka telah disewakan. Koperasi hanya terlibat dalam pengurusan sahaja.

- 13.5.4 Beliau turut mencadangkan untuk memberi honorium kepada ALK sebanyak RM30,000.00
- 13.6 Cikgu Azmi bin Hj. Abdul Azid (19646) merujuk muka surat 5, elaun telefon yang diberikan kepada Anggota Lembaga sebanyak RM200.00 agak banyak jika dibandingkan dengan pakej telefon yang sedia ada di pasaran.
- 13.7 Cikgu Azra Hiryani binti Abdul Salam (37610) pula mengucapkan tahniah atas keuntungan yang diperoleh koperasi. Oleh itu, koperasi juga perlu mempelbagaikan perniagaan terutama dari segi penjualan dan pembelian dinar emas. Ini disebabkan keuntungan daripada dinar emas tidak berkongsi dengan pihak luar.
- 13.8 Cikgu Wan Norsharmilawati bt Wan Osman (37904) turut berkongsi pengalaman beliau, di mana penjualan emas ar-rahnu memperoleh keuntungan yang tinggi. Oleh itu, beliau menggalakkan koperasi menceburi perniagaan berasaskan emas.

AGENDA 13 : UCAPAN PENANGGUHAN;

Mesyuarat ditangguhkan pada jam 11.18 pagi dengan ucapan Selamat Hari Raya, maaf zahir dan batin serta terima kasih kepada semua yang hadir dalam mesyuarat.

Minit dicatat oleh :



(Izzah Izyan binti Jaafarudin)
Eksekutif Pentadbiran

Minit disahkan oleh :



(Cikgu Jasni bin Md Kechik)
Pengerusi Kawasan